

四庫全書

集部

欽定四庫全書

集部

稿李詩繫卷二十六

詳校官侍講<sub>臣</sub>王燕緒

主事銜<sub>臣</sub>徐以坤覆勘

總校官進士<sub>臣</sub>朱鈐

校對官編修<sub>臣</sub>沈清藻

謄錄監生<sub>臣</sub>李利仁

欽定四庫全書

槁李詩繫卷二十六

平湖沈季友編

國朝

南溪學士曹爾堪

爾堪字子顧號顧菴嘉善人勲之長子順治壬辰  
進士選庶吉士兩冠閣試授編修扈從瀛臺南苑  
世祖褒問諭令與吳偉業同注唐詩丁艱起補轉侍讀

旋陞侍講學士轉盼三擢異數也性強記諸瑣屑  
事能舉其原委人一見輒不忘若輿圖要害山川  
形勢指畫纖悉聽者神竦當世以大用期之無何  
註誤鐫級尋罷官歸而優游田園皆二三老友選  
勝賦詩間為遠遊篇什益富為詩清灑可諷與宋  
荔裳施愚山沈繹堂王阮亭王西樵汪茗文程周  
量諸公稱海內八家有南溪集

題霜菊卷

江南蕩塘涸黑泥埋刺菱芙蓉褪殘靨蒲萄縛亂藤亭  
亭古松蓋歲暮堪作朋晚花晚唐詩許渾與薛能

古銀槎歌贈荔裳

長安伏日赤如火曲檻虛亭門不鎖宋公召我園林遊  
河朔冰盤浸瓜果山雨忽收賓客至出示酒鎗異恒製  
枯槎怪石坐神仙周彝漢卣應無二元季巧匠朱碧山  
市隱臯橋稱絕藝倪黃山水吳興書幾與古人爭位置  
羣賢驚詫手摩挲神刀鬼斧曾琢磨西郵好貯葡萄酒

南海空矜鸚鵡螺至正年間遭殺僂野火燒天烟萬斛  
內府珍裘裂雉頭舊家寶瑟焚蛇腹獨此古物在人間  
感慨乾坤同轉轂秘器偕藏圻球貝波斯問價昂珠玉  
三百年來貴有徵請檢陶家輟耕錄亟呼從者傾郿筒  
恢拓智勇開心胸為慶遭逢落公手斃盜況出隗囂宮  
兩美相兼且觴月干將莫邪亦神物枕蛇騎虎安足愁  
讀罷長歌歎竒絕宋公本是神仙才文筆不從人間來  
何妨跳入銀槎裏御風萬里遊蓬萊

鄴城引

清漳濁漳注城外城上愁雲大如蓋高臺戕戕生暗塵  
白楊蕭蕭起天籟君不見鄴中全盛時玳瑁樓前珠箔  
垂南皮沉李公子醉西園樹蔭美人隨建安黃朝一朝  
變千載繁華等流電紫狐夜嘯甄氏宮綠草霜凋武皇  
殿秋風客思真悲哉道傍疑塚空蒿萊月明繞樹烏三  
匝猶逐當年銅雀來

滄海行

滄海晝驚街市空人家大屋火焰紅逆渠奮臂在倉卒  
屠戮命吏如寒蟲君不見嚴裝夜走沂山脚膠州金錢  
恣充索回鞭立破睢寧城浮橋徑渡宿遷郭沸鼎魚遊  
何所逃勁兵壓陣如鴻毛黃河日落鼓聲絕鯨鯢血赤  
腥弓刀擒魁方略制俄頃膚功壯氣青天高可知縛虎  
勢宜亟追奔月沒轅門黑俘馘多歸淮海營勾連自絕  
湖南賊深山羣盜逋天誅招徠解散今有無後事經營  
貴全勝聞有逃兵在襄鄧



韓聖秋過訪奉東兼懷東雲維劉潤生

客過門猶靜堂空語自深故人同雨雪奇士獨山林樹  
沒秦州遠天低少華陰好音何日慰憶爾對牀吟

廣陵懷古

何須故老話興亡兵後繁華事渺茫邗水曲流通汝漢  
蕪城衰草恨齊梁客尋芳榭鶯歌斷馬過朱欄識酒香  
不盡淚痕傷往跡野桃紅雨溼雷塘

春晚東屆甫寅仲

綠暗池塘春事稀  
醑醑染紫木香肥  
銀紗薄映蜻蜓翅  
宮粉纔銷蛺蝶衣  
梁燕去隨紅雨落  
沙鷗輕逐白雲飛  
江干何處添詩興  
芍藥花船泊釣磯

寒食春墅

糝糊曉雨漫霏霏  
寒食江邨客正歸  
杏酪分香茶竈冷  
麥錫膠齒柘烟微  
春塘燕子愁相並  
江店桃花溼更飛  
如辦玄真青筍笠  
茜溪東下鱖魚肥

無題和王阮亭祠部彭駿孫進士

翡翠粧殘睡起遲  
鴨爐香縷慰相思  
念珠愛數紅蕉子  
銀甲愁牽白藕絲  
綺閣漫矜三婦艷  
錦衾惟許一人知  
傷心舊約金尊散  
寒食啼鵲細雨時

元城竹枝詞

南方佳果勝侯鯖  
丹橘黃柑膾綠橙  
寒夜更添滋味美  
紅泥鮮筍到臨清

衛源竹枝詞

舊藩宮殿已荒丘  
玉竦橋空水自流  
百尺觚稜餘碧瓦

行人遙見望京樓

金陵竹枝詞

高館笙歌樺燭紅幾年飄泊各西東  
秦川公子黃金盡種菜猶栖舊院中

天棘條侵舊殿斜秋蟲交語野棠花  
射生獵盡銀牌鹿誰向鍾山采木瓜

李布衣麟友

麟友字振公號于苑嘉興梅里布衣

贈衣行

梅溪野士嘗衣褐冬亦不加夏不脫已經寒暑六七年  
領緣不完襟百結沈郎敦友無親疎贈我匹練五丈餘  
製以為衣見賓客舉止覺與常時殊鄉人重衣不重德  
談笑從今壯顏色

登審山有懷周實沈進諸子

長水通梅里橫山近硤川登臨猶可見惜別已經年葉  
落清秋樹鴻飛薄暮天故人無恙否却望一凄然

張太守茁

茁字文葭號靜巖嘉善人順治壬辰進士授刑部

主事轉禮部歷襄典禮

賜金綺廐馬擢知安慶治郡嚴肅上官心折焉有學心

堂詩鈔

盆柏

勁質凌寒雪蒼枝映碧苔纔成方寸木已具棟梁材

邵窩老人莊孩思

孩思字汝揚晚號邵窩老人秀水庠生莊氏自友  
仁暨孩思三世皆壽踰八袞舉鄉飲賓故人沈雲  
如暴露年久其子孤而貧為買地營葬里人欽其  
高誼有邵窩詩略

貧子吟

故人之子淒以其捉衿露肘衣離披居無四壁蓬為戶  
瓶空累日火不炊妻兒委頓饑欲死嗷嗷僵仆誰能支  
羞將此語告戚屬幾番擬賦招魂詩吁嗟一歌歌聲涼

所知曾無升斗移憶昔我友重意氣千金一諾如等夷  
此道依稀還在人何為今人不古期米如珠兮薪如桂  
吁嗟再歌歌益悲優孟衣冠學不得何時慰却地下叔  
敖知

送堂主自參

十八高賢社何人推道安白蓮開未謝溪水夜潺湲

虞美人花放戲拈一絕

美人歌罷成黃土今日花開花自舞不信當年泣數行



但看曉落猩紅雨

偶吟

世緣生熟意何分  
斷壁懸崖總不羣  
獨有秋空雲外月  
萬川一樣在波紋

錢進士斐

斐字子輔嘉善人  
八歲賦白燕詩順治壬辰登進士  
築託園以老

張麗華臨粧池

佳人惜影厭青銅粧罷獨來臨水整迴波兩兩自相憐  
流入脂香雜絲苻敵兵壓寢碎紅顏鴛鴦乍死清波冷  
嬌面風來影已枯一片寒煙縈斷梗亡陳豈獨色所為  
泉咽聲聲怨高頰君聲玉樹聲未銷馬上已歌清夜  
永

過貢士銘盤

銘盤字伯新平湖人京兆廷訓長子少以才筆  
知名貢入南雍父歿叩

關得贈卹之典年七十九卒

宿望海樓

月高長嘯醉樓中微掠朱闌海面風夜半天妃鸞馭去  
射波千點小燈紅

附考樓在平湖乍浦苦竹山上海面靜夜紅  
燈數千飛躍不定土人云此天妃夜巡也

徐秀才啓芳

啓芳字梅生海鹽人有竹塢集

晚霽野遊

長嘯天何濶閒遊眼獨明殘霞鳥外落斜日雨邊生不  
學妻梅隱徒深脫劍情那堪羈旅客向晚聽秋聲

嶺外史沈棻

府君諱棻字子佩號藕菴平湖人順治辛卯年二  
十六舉於鄉壬辰成進士性英爽喜交游率任本  
懷不為隨俗軟美之態遇里中纖兒輒嫚罵好窮  
治酒饌選妓徵歌座客常滿遇友人患難貧乏傾  
身濟之時三吳多文酒之會府君青衫白襪吐音

如鐘拂袖作梁父吟覺一座無人乙未對策後又  
七年授河南西平令土荒民散府君招流亡給牛  
種諭以歲豐取償免其息民襁負至墾荒數百頃  
又許以布粟代稅即束麻擔草亦瑣細不憚煩歲  
募河夫多逋逃患乃按貧戶充役民喜得食且以  
償稅率爭先赴工工易竣邑衝差徭不時豪強隱  
蔽多偏累乃按戶均點一年止役一日歲有餘夫  
甲辰飛蝗遍野獨不入西平境士民建祠北郊邑

有山曰嵒岬因號嵒岬外史府君居官後益復好學于衙舍隙地手植垂柳數株構草堂於綠陰之間與幕中文士乘小駟遊汝墳長林幽寂竟日吟嘯雖山農牧豎無不熙然于令君之側治聲為中州第一顧天性峭直遇事強項不為屈羈俸十餘年向善病至是益甚卒于官年四十七有柏亭稿二十年來孤兒抱痛敬登遺句涕泗從之矣男季友謹述

柳梢行

黃河春響走怒濤桃花滾滾飛晴郊軍符如火下州縣  
河夫隊隊解柳梢前年一決孟津後今年又潰成臯口  
可憐河上小民家千邨萬落無人守白骨離離棄北邨  
青秧拂拂沈南畝洛陽諸邑起千夫輓軸牽輪吏夜呼  
裝成萬束青青樹去築河堤急上途傷心九曲真靈府  
駭浪何為禍茲土刻玉懸勞堯帝心沈菱難制馮夷舞  
古道荒涼綠影空滿堤無復舊春風明年古柳重飛翠

淚落殘條剩葉中

大梁

冷雪如鹽衝綉帽漫漫直走夷門道馬背春寒望眼長  
花城一抹古大梁山帶橫腰殘靄白河聲出口怒濤黃  
吾思昔日魏公子結客翩翩到街市十萬秦兵夜叩關  
錦袍壯士因誰死更聞好士梁孝王座中翰墨生古香  
兔園花草平臺雪詞客紛紛各擅場太息高踪杳難作  
長街廣陌春風惡沽酒亭荒翠幔低折腰人笑青衫薄



傲吏鞭絲怕軟塵  
那撩憔悴過三春  
斜陽終古消魂事  
汴水飛花亂撲人

汝南道上

籃輿來去日愁向積陰繁  
橋沒多荒徑鷗飛失故灘  
秋因雨易夕水繞俗加寒  
比戶荒煙裏何人駐馬看

季秋偕雲馭田子三兒泛菊  
劉文學山莊同宴者薛廣文

秋林風日好來赴逸人家  
已對伯倫酒還思陶令花  
客

情緣少長吏語自烟霞更喜薛夫子清樽共物華

寒食祝奠先慈

何處芳原問傷心南望時由來泉路感重繞白雲思杯  
薦他鄉酒花開舊日枝惟應歸路近灑淚滴松脂

信陽山行

本是青山路如何黃綬來途應知馬老花似笑人開郭  
近千峰斷淮通一水迴行行吾欲賦畫角轉相催

申陽甯吳二寅長見枉留飲

客舍誰相賞還欣二妙逢長歌惟寧子治行有吳公並  
繫花前馬如聞松下風清宵涼月裏莫使綠樽空

送陸藍田同大兒南還因憶藍田尊人

吾已倦遊久君行復此來早隨春雁至猶及海榴回客  
路河橋晚故人鄰笛哀歸途欣並轡終愧阿戎才

章遠南歸

骨肉誰能問常時獨爾從貧真同落葉賦可泣秋蛩殘  
月關河路悲風弟妹容思歸我已晚何處有芙蓉

涵輝入都不果送其南還

未久便為別知君難遠遊因思張翰鱸不上仲宣樓小  
雨梁園夢蘆花吳地秋相如詞賦好終是攬皇州

送六弟二首

未有寧親計因風賴汝歸同懷陸氏橘猶愧老萊衣夜  
月鴻難聽秋林葉自飛倚門方念遠驅馬莫教違  
連枝能幾日戀別竟如何客在依花萼人歸落芰荷秋  
程風雨易旅夢弟兄多珍重出門意還時且嘯歌

臯旭自都訪我因從歸里詩以送之

凌雲久已賦今始上金臺為有故園思還從訪戴回客  
心殘墜葉秋徑老莓苔陶令歸來後寒花更幾開

同三兒雪中行汝南道上

朔雪晨行集無邊已道周何人茅屋問著處野僧留帶  
怯東陽瘦寒深稚子愁長年飄絮裏只自愧閒鷗

酬吳洛陽

鴛湖相望地出宰舊西京嘗念吳公守多慙許氏評春

田誰雉乳花縣自鶯聲撫字今難問能無同病情

三兒歸詩以遣之

望汝成歸計汝歸又繫心雖然春草路多恐曉寒侵藥  
為長年採門須問世深客亭今夜月猶是聽猿吟

宿信陽山寺

山城知不遠緣暑漫停茵舊寺僧何在征途老易親柳  
低堪繫馬螢細只依人無事問禪榻浮雲久此身

東郊偶步至寶巖寺

冬林無勝賞猶欲問原田日靜寒雲裏人衰落葉前依  
禪還舊寺訪俗少新烟惆悵斜陽裏從今已幾年

西平咏古八首

柏亭春靄

封國貽來久鄉亭望去新風清山郭曉雲度野橋春雞  
犬遙連楚桑麻宛在秦行車長駐處爭識種花人

雲莊雪霽

四望白皚皚高風下石臺官橋冰未合汝水凍初迴峭

壁參天影窮簷負日開自憐能掃雪不向洛陽來

周泊漁歌

碧水橫梁筍青絲展釣車空邨聞櫂唱前岸有漁家夜  
雨流荻葉秋禽起蓼花江湖吾有興何必上仙槎

義岡牧笛

入世懷良友長貧感素心非時猶韞玉何地好分金細  
草全披徑斜陽半在林悠悠牛背上短笛是知音

龍淵夜月



灩澦棠溪水蒼龍起石碯青葱蓮葉劒紫氣繞河干利  
器藏歐冶前朝慶鐵官清光千萬里渺渺向誰看

粧臺野雲

贈佩天邊杳支磯石上分荒臺銜晚照滿眼散秋雲礪  
蜨銷紅粉山光掩翠裾孝思如可問吾欲一逢君

鄧陂澄波

太尉多遺跡中原感廢基當年曾伐蜀此地早開陂迤  
北平田濶征西返道遲汪汪千頃在為爾更追思

鄧塚烟樹

荒隴迷春草，高丘帶夕陽。  
我來時下馬，一拜鄧君章。  
史誌鴻名舊，碑銜螭首長。  
蒼茫烟樹裏，父老向蒸嘗。

九日因積雨不赴登高感懷之作

搖落頻驚節，候催況無霽。  
色可銜杯憂，時祇有愁霖。  
唱對景何心，九日臺雁向。  
霜前難聽遠，花從開後未。  
歸來田家禾黍今，何似莫上高城極目哀。

感署中柳

垂來舞袖已踟躕因憶青青長客邊幾樹籠煙斜月夜  
半簾臥閣夕陽天歸思久逐陶潛賦老去空懷張緒年  
今日春城憔悴甚何當葱蒨日三眠

遂平道中

當時攬轡已成蕪極目蒿蓬更問途三戶殘黎歸業否  
六條法吏盡心無月高茅店聞雞少人去荒原斷雁孤  
亦自勤勤思撫字自慙拙筆未能圖

申陽感事

荒城已分一枝安何意還驅征馬看本是

盛朝新制節猶傳憲府舊旌干停杯客裏知誰問行路  
人間覺更難多少巢由車下拜青衫幾溼不堪彈

信陽寓何翀六書齋

幾度停軒舊此亭疎簾清簟夏還經不辭愛竹王猷看  
遂有新詩水部聽夜色閒來惟小樹春風散後自流螢  
物華是處須當賞煙月何心老客萍

渡河

子規聲裏走天涯，解纜津亭日又斜。  
果爾飛流同水箭，剛逢積雨漲桃花。  
平生忠信誰相許，身世浮沉自漫嗟。  
便擬維舟貰殘醉，荒烟漠漠楚人家。

九日病阻登高

幾逢令節重徘徊，病裏閒情只綠苔。  
問俗已疎禾黍外，寄身合向藥苗栽。  
猶存瘦骨衫香落，始過荒亭雁影來。  
楚客今秋思更苦，望鄉猶阻舊登臺。

秋夕病懷

葉丹苔碧總佳辰零落秋容自苦辛久分去官同栗里  
寧知多病老漳濱宵清只聽莎難泣芳盡空憐蕙草春  
我已東陽孱瘦甚柴門難緩舊松筠

送甯遂平歸養

君恩幸許綵衣裁良友于今勞溯洄畫省雖分行雁杳  
河陽猶奉板輿回家臨晉水魚因出人到春園萱自開  
我亦庭闈遙在念吳山彌望白雲來

送友人南還

瀕年薄宦涉風塵又見春回楊柳新何處易銷潘岳鬢  
河陽縣裏送歸人

庚戌早春有以官梅一枝獻者感其江南舊種  
浩然有故鄉之思乃援筆漫吟以寄意焉

日落孤城走玉塵誰家長笛弄寒頻隴頭一夜東風緊  
愁殺霜花點鬢人

藥冷枝寒我欲愁折來還向膽瓶留小梅也是傷南客  
一樣春風說倦遊

陸參議光旭

光旭字鶴田平湖人順治壬辰進士由保定知縣  
擢御史言中機宜而議巡方一疏尤侃侃不事囁  
嚅遷冀南道服闋補江安糧儲道為羽士朱方旦  
波累徙謫以終

春日同顧雲馭登靈鷲

畏折尋山屐春光我負多關河悲戰壘天地老烟蓑鷲  
咽殘枝雨花寒夕照坡浮雲堪極目何處可狂歌



和東坡西臺簡子由韻寄永錫弟

黑地沙寒草不春  
骨肌銷盡伏蒲身  
題襟空負操生友  
泣血猶存誓墓人  
敢冀九卿疎漢法  
從來三宥出

堯神與君未了前塵事  
夜雨青山續舊因

嚴柝森森氣慘淒  
為看書牘幾眉低  
風霜斷侶迴峰雁  
形影難棲折肋難  
遠塞每傷驢背弟  
故園何處鹿門妻  
寒蛩昨夜啼殘月  
猶夢疎鐘出掖西

蔣涇縣雲翼

雲翼本名會貞字鳴大嘉善人由府庠中順治甲

午舉人任江南涇縣知縣

無題

粧成十五畫長眉碧玉瓜期未有期新蟬愛花常護粉  
春蠶獨繭漫抽絲不看湘竹愁仍結即化巫雲夢豈知  
惆悵臨風無限恨明璫何處解相思

甘山居士于琳

琳字貞瑕號甘山平湖人嘗承父志述三易得習

學九卷廣變四卷象告二卷皆原九圖之意以立  
言生平好接異人上至天官家言下及地理諸書  
以至馬杜二氏之學靡不精妙通繪事善行楷若  
擊劍談兵諸技時亦為之晚年忽盡去其學發梵  
經大藏俛首沈思疏註楞嚴法華華嚴諸部棲遲  
精舍累月不去啖菜飲水居然苦行卒於康熙庚  
申年八十五有香祖庵草

雜詩

灼爍健少年匹馬彎強弓橫視貌四海馬念江上翁老  
翁仰天嘆白日西欲東我昔十七八目亦無飛鴻上馬  
舞雙槊下馬賦秋風倏忽年歲移頽然不復雄為我謝  
少年日月如飛蓬

贈鄭兩為備兵西寧南歸里門

建牙開府黑山東此日聲名在五戎首宿花濃宛馬健  
蒲萄酒熟戍樓空風高吐魯驚傳箭雪滿蓬婆競挽弓  
生入玉門班定遠何人重報月氏功

咏夜落金錢花二首

深紅點點映重茵  
開到金錢花轉新  
夜靜露濃和月落  
明朝愁殺採花人

輕花灼灼葉田田  
午半平開近綺筵  
漏永不聞妃子嘆  
誰家撒得洗兒錢

施訓導銘

銘字公遠平湖人  
順治壬辰恩貢任義烏訓導奉  
裁補平陽以母老乞歸居喪哀毀庭產芝草人稱

為孝感云

望若耶溪

苧蘿山下若耶濱  
越女如花貌勝春  
一自五湖烟櫂去  
月明江上有荒津

和王文老手談韻

玉局丁丁興未休  
隔垣微聽子聲幽  
金門不召羊玄保  
聊與松陰解客愁

曾舉人畹

晚字庭聞寧都人客至之寧夏衛以商籍舉甲午  
賢書界兀負奇足迹遍天下初入淞與秀水陳英  
交善常至其家康熙甲寅關中孫佐伯守備平湖  
乍浦挈家口依之居二載徙通州卒

歸賦

中原飄泊久親老且歸耕井邑無安土山城尚甲兵霜  
花餘簷畝風雁走河聲子弟不相識呼童數問名

別駕水陳堯夫

世亂誰知我人猶不識君豐城老劍氣越俗總浮雲舊  
國三春異他鄉一夜分封侯寧有命坐笑李將軍

沈教授煌

煌字火文嘉善人明季文弊競獵六朝煌昌明程  
朱之學設席教授負笈者三百餘人學者稱弘益  
先生順治甲午選貢不仕終有弘益堂稿

國學觀禮聞雅頌

辟雍尊首善邇邇利觀光胄教夔初命賓興旦再颺威



儀開萬域耳目聳遐方道式先儒重文隨聖代昌上丁  
期合吹二酉聽翱翔釋菜因周禮歌芹撰魯章一牢傳  
漢祖亞獻憶唐皇肆俎推前席燔柴降內香朱絃流挾  
瑟彤管佩循墻振步依庭鵲聞音覲望羊端家求戴聖  
釋句仰毛萇天子虔蒿柱名臣出柏梁篆分白玉署簾  
隱紫薇郎振鷺西雛潔鳴鼉東序墮耦三延豐相更五  
祝膠庠兄在通侯侍師嚴高弟彰中原無棄植小草總  
承筐啟絳欣聯鄭解頤爭說匡性情深誨迪氣運奕柔

剛虎觀忘同異龍門疇頡頏質疑勤負劒請業敢登堂  
于邁從公飲陳常遍爾疆侯塵應執御濯德詎施鱗闕  
里麟遊近尼山豹蔚長茆澄圓沼碧桂拂闕宮黃稽古  
桓榮座箋經穎達牀瓊花連散髻羽扇映絲韁階彤紛  
干戚邊陲靜斧斨聚奎驅野馬倬漢掃貪狼惟有言靡  
憾誰云讓未遑蕩平知會極作述佐垂裳玖珮偕鸛鷺  
簫韶集鳳凰金臺倘擁篲石鼓勒星霜

寄贈止岳弟刺史粵東

芳竹城邊試錦衣  
爛柯山下草初肥  
春風幾夜吹鄉夢  
逕傍天南一雁飛

天啟宮詞二首

豹髓燈懸鵲鵲紅  
鑾輿宴罷帶雕弓  
敕教繡鐙三千隊  
共赴西園看射熊

內監傳呼謁聖人  
押班紫袖學稱臣  
近來喜點毛延壽  
天子臨軒自寫真

吳仲子蕃昌

蕃昌字仲木海鹽人忠節公子居母喪哀毀而卒  
再經雞山酬開美祝子

送子清溪月當時鴻雁歸今嗟芳草發長與古人違雲  
冷青蠅散林空白鶴飛山陰回首裏同此一沾衣

過南郭江道士舊居

水漲蓮溪館秋風自掃除野花埋石鼎閒月照金書雞  
犬當時宅蒿萊此日居還山何處是招我白雲車

中秋病作

病骨秋蓬似迎風欲共飄白雲千里薄黃葉一城搖月  
滿山庭舊蟲鳴玉露消客誰陳七法空憶曲江潮

吳市重逢陸大立頃有贈

西風暮雨下滄浪短鬢黃花並有霜一問故人多宿草  
再來歌地是衰楊平原舊客今誰在伏勝遺經半未亡  
還取青尊盡疇昔月明重與向山塘

吳秀才謙牧

謙牧字衷仲海鹽人生蕃昌從弟亦以母喪哀毀

卒里人並稱孝子有困勉齋藁

谷水歌

雲峰九十九蒼翠滿山松  
借問清秋月先縣第幾峰  
我登湖上樓湖上秋風發  
蕩搖湖水光欲墮雲中月

王秀才之圻

之圻字肇域嘉善人明季稱詩者率宗竟陵之圻  
力持風格從粵東歸手一卷詩曰嶺橋山水盡在  
我奚囊中矣其曠達類如此年未強仕而卒有鳴

鵲堂稿

悲歌

道遠不離刺心立談可期白首結交何多以彼富厚今日黃金盡明日猶相知斯人果安在出門欲何之

鵲鵲歌

涉溪買鵲鵲羣笑王生癡萬里相攜走庾嶺千金不易連城姿一眼五色光催璨山人愛殺爭題詩君不見陽翟賈揚鞭走馬南越達詡詡陸賈橐中貲明珠不售翡翠死

何如端州採石兒人生要在有遠識多伎多求徒爾為  
錢處士鴻

鴻字羽可號若菴海鹽人陞之子築室宋湖好行  
其德鄉人私謚貞毅有撫松居集

尚胥亭上步月

荒亭寂寂倚胥川野曠應知受月光湧人如天上坐  
景浮橋似漢中懸珠藏釋底明生夜水並江心味入禪  
莫道孤忠徒自苦海濱祠墓至今傳



附考尚胥有廟有橋在海鹽縣西北十里並其兄尚祀焉越絕云耕於吳之南鄆城即其地旁有望珠亭

### 貢湖秋望

貢湖地僻宋邨名荻月蘆風秋自生  
蕭寺僅存方外想  
野航恰備畫中情  
繡衣墓頂松猶挺  
給諫瑩前水獨清  
可但曾孫懷祖澤  
隱淪多尚話先生

附考湖在海鹽縣西三十五里一名宋邨  
湖俗名宋坡湖錢給事彭侍御墓在焉

### 舟行鸕鷀湖

萬頃波平綠漲濃  
祠開黃道正蒙茸  
占來澤氣常疑雨

聽入山風已逗鐘短屐便將尋紫峽輕帆忽復指青松  
此中好景偏宜夜莫阻遊人月下筇

附考在海鹽湖濱有黃道廟隱見峽山西出為青松塘土人云峽山鐘聲至宋湖呂塚間則天必雨

張華亭超

超字伯升號檠持桐鄉人順治乙未進士華亭令  
秋夜聞隣姬鼓瑟

露冷梧楸玉杵催誰携寶瑟漫徘徊無心自譜鴛鴦曲  
有意偏添鸚鵡杯拂拂梁塵飛綺柱離離鳳影落叢臺

高堂夜永清暉徧疑引瀟湘帝子來

張醫士逸

逸字泰菴嘉善人精岐黃術善撫琴工詩好畫山  
水有日休堂詩

烟雨樓

樓外笙歌列畫船湖光春色總堪憐遊心不待壺觴醉  
寫景難將水墨傳晴浪忽飛千尺雨遠邨常帶幾分烟  
斜陽乍向層城下月色無塵到檻邊

何通政元英

元英字黉音秀水人順治乙未進士由行人歷戶部  
郎督理大通橋監通州糧漕弊盡剔以才望選授御  
史封事甚多皆關大政康熙癸丑視鹽河東內陞歷  
通政參議乞歸生平慷慨急人患難性好客珠履常  
滿酒鎗簪珥時在質庫中不悔也予慨當世士大夫  
嗟卑患貧作自了漢羞與寒士為伍其猥瑣鄙屑之  
態豈堪令雅人見之如先生者其今之廣陵散乎

以病乞歸有永思堂集

靜夜吟

夜久羣動息秋潭冷素心推求往古事歷歷羅胸襟守  
貞道所貴回適衆乃仕滔滔江湖流一往不復禁窮巷  
罕過轍寂寥鳴素琴長松挺孤秀何憂霜雪侵

辛酉初春

王師將定滇南奉命出守劔川蓼亭陸先生以詩見贈次韻  
三宰風塵吏

恩綸奉遠遷從戎關索嶺解渴水香泉萬里馳邊月孤  
鴻泣暮烟才非漢司馬白雪愧稱賢

東明河上口占

重重堤岸繞東明盡是黃金力築城不用防河桑柘滿  
老農帶月荷鋤耕

項侍郎景襄

景襄字眉山錢塘人秀水籍順治乙未進士歷官

兵部侍郎

長安竹枝詞

敝裘冉冉帶風輕  
絮逐官河柳壓城  
豎子提筐如百舌  
春來惟有賣花聲

題畫

閒來結得小茅亭  
但識烟雲月露形  
歷日不書藤葉紙  
年年只記柳條青

顧父

父字病已嘉善人

送魏廓園公被逮

我髮未燥聞公名私淑于時夙仰止寬衣大袖以布為  
孤耿知為天下士七載孝廉無所資飭粥星星藉臯比  
進賢冠著才十年危言危行直如矢至今萍梗無定居  
圖書幾束同轉徙哀哉失守先人廬三遷隨母為鄰里  
兩家貴賤隔天淵一樣蓬門對秋水耳邊隱隱聞咿唔  
公子挑燈課青史窗前扎扎機杼鳴夫人織素顏垣裏  
含飴未得弄文孫薦地從天下嚴旨赫赫天王自聖明



建瓴之勢無停輪累累小珠大珠墮崩濤積雪浮松筠  
曦暉照見閃虹電雲彩徘徊淨霜練微風忽度相欹斜  
細雨輕烟拂人面仰觀不足常淙淙厥狀非一難形容  
晝暮陰晴亦屢異窮工極態烟光重越昔盧鴻宅其下  
翠庭樾館何瀟灑巖因其姓以為名高蹈應空後來者  
君不見龍潭石淙皆絕奇奇在嶙峋水挾之盧巖之奇  
獨在水林壑藉以增幽姿況且嵩中水泉少潺湲不絕  
無如斯曠然疑是別天地胡勿於此誅茅茨吾將老矣

始一遇樂此忘疲忽天暮扶筇出壑久踟躕猶恐清聲  
在深樹

大仙峽

絕澗通幽徑扶筇擇步過高厓危下鶻重磴曲如螺雲  
破鳴泉落春寒賸雪多誰言中有地不識在山阿

沈知縣兆奎

兆奎字崧源桐鄉人順治己亥進士江西饒州府  
德興縣令

初構草舍呈東山隣友

六載波臣信所如，蕭然蓬華是吾廬。  
幾行斷鴈風高處，一片閒雲海曙初。  
性僻正宜君輩友，時艱并與故人踈。

榮枯却看柴門外，好傍昭靈賦卜居。

邨有昭靈祠

支教諭隆求

隆求字武侯，嘉善人。大綸孫。順治庚子舉人，領教嚴州。遂安有閩遊偶草。

浦城水次怪石瀑泉驚人萬狀

嵯峨經千里歎乃復聞聲塊壘胸中伏巉巖波裏行羊  
腸世路曲難肋宦情輕一葉舟如寄將心照水盟

王經歷辰

辰字天市嘉善人順治庚子舉人任直隸保定府  
經歷幕府趨走非其好也

晚眺

平臯時極目客思自依依沙雁衝人起城烏繞樹飛林  
開秋色遠山迥夕陽微薄暮行吟罷歸來獨掩扉

城出孤城部領二百騎出入風雨旋雷霆誰能從之曰  
張衡將軍起列校主將陷陣單騎拔之推主帥上馬短  
兵接戰身步行乙將軍真天人初隸黃得功後隸史道  
鄰面中飛矢屹不動揚州化作睢陽城將軍戰死舊城  
下誰能傳之昌黎文

余學畫于湯子三年見其畫水入妙自謂頗得  
其意作畫水歌

宋公畫山得山骨五百年來紙猶溼米公畫山不畫山

晴天雨天推烟鬟湯子畫水亦如此十日五日袖五指  
忽然倒峽與奔流幻出澄江對窗几畫濤畫雪兼畫冰  
低頭聽之聲泠泠老人事過即忘却惟此欲忘心不能  
古來多少餐霞客誤落塵中人不識湯家水米家山只  
在虛無縹緲間說與世人皆大笑五百年來稱二妙

送徐曜菴遊天目二首

送君西去踏丹梯直上青天白日低雲海茫茫看不辨  
一條界破是苔溪

千峰竹共萬峰松古寺門前布虎蹤惟有道人逢客至  
登樓一打報山鐘

初陽子顏鼎受

鼎受字孝嘉自號初陽子桐鄉人少以孝聞九歲  
得句曰輕風搖翠竹微雨滴黃花為諸生遊楚遭  
亂避跡為黃冠歸卒有嶧山堂半樂亭詩

田家女兒行

田家女兒年十六賣作青衣向人哭自言數世居南邨

紡績為生治杼軸去歲田荒稼不登一春八口無饘粥  
今年官稅急難供東西叫號驚里族隸胥門外呼一聲  
雞犬倉皇上牆屋小兒聞之走牀下老人見之徒側目  
向前哀告且莫嗔朝來女兒還枵腹本欲留君無一錢  
脫粟不能况酒肉白頭老翁筋力衰此去何堪受鞭扑  
願鬻此女為人奴老人幸免捐溝瀆託身無過錢千貫  
待價豈期珠百斛提籠採桑憶昔時短髮未許施膏沐  
歎息此夜朱門深老父不知何處宿高堂置酒歌者誰



長林銷夏

密印八  
景之一

晞髮行吟日正長  
桐花落盡又新篁  
雨餘絕勝探林屋  
風散渾疑倚石牀  
翠飛來衣欲溼  
綠雲移處屐生香  
扶筇老衲盤根坐  
聽到黃鸝晚更涼

曹封君爾坊

爾坊字子閑嘉善人  
勲仲子髫年應試  
宿儒不能及  
太史劉正宗胡世安  
皆稱江左曹生  
工詩兼善繪事  
子鑑倫康熙己未進士官翰林

題東干小普陀佛閣

曲曲迴廊映柳閣探幽幾度到香臺  
九峰晴黛橫窗出三泖春波拍岸來  
深澗黑腥魚噴藻遙堤青溼鷺行苔  
詩成不盡登臨興題壁慚非工部才

邵學使延齡

延齡字大年號靜山平湖人順治辛丑進士由中  
書歷陞部郎督學江右所取多知名士歸里卒有  
耐軒全藁

東海有迂儒用持國韻

東海有迂儒日坐詩書側自誇識之無鑽研似蠹蝕埋  
頭目光短几案塵弗拭沉思苟有會或歌或嘆息敢謂  
性稟愚難忘祖宗德詩書本舊疇竊窺聖賢域所居雖  
海濱頗稱冠裳邑甲第鬱相望近頗推名國使非真有  
得冠裳亦羽飾所以三十年朝夕常歎仄縱能明大意  
健忘非鐫勒苦無師友資落筆鮮奇特興到輒一鳴素  
紙染其墨上下千百年柔腕乏筋力流覽鼎彝文蟲蟲

珪璋植學古乃有獲從繩則木直稍稍髣髴之古人渺  
難迹有志恨不逮撫膺徒愼惜如彼寫倣童未能端點  
畫何時窺藩籬一一辨白黑搏沙不聚黏畫餅難充食  
援筆不肯停徒為人譏忒終以古人師今人未可式如  
入寶藏中珠璣紛紜積隻手自選攜蛟龍不敢擊況為  
師儒官詩書固其職南面操鑑衡進退動千百自非規  
矩精遂令衆匠惑子史為旁枝六經為根極勉旃勿敢  
渝寸心明得失

陸教諭瀹原

瀹原字嗣暢號岫丹平湖人少有文譽晚年教諭

臨安

被放

宦途寵辱未須驚歸去南山尚足耕眼底誰青與誰白  
胸中無我并無卿柴門候月惟搜句竹逕迎風獨舉觥  
栩栩北牕高卧穩折腰久已薄時名

嚴舍人臨

臨字覽民秀水人勲之弟貢入國子監康熙甲辰  
考授中書舍人卒于官

送張牖如南歸并訊同學諸子

君向金臺好上書翻然南去更何如  
定知詞賦應陪輦嬾託文儒  
漫曳裾秋雨鄉關隨早雁  
江程甘旨及鱸魚  
吳門老友恒相憶不見瑤華一問余

朱秀才茂凋

茂凋字子蓉號東溪秀水人  
陶情詩歌專學太白

有鏡雲亭集

古風

孟冬朔風興橘柚落華實凌晨閱塲圃穡事已麤畢役  
車其可休何以嗣我日雲中下鴻雁牀下語蟋蟀黃花  
既已凋田雀去何疾人生無百年上壽寧可必子有羅  
裳衣曷不日鼓瑟

於潛舟行抵桐江

浮溪始安行登山止凌緬鬱紆倦攀陟清曠縱游衍目

對川禽飛耳接迅湍轉迴峰沓屢迷連烟晦莫辨夕翫  
淹水宿晨興愛沙飯已入桐廬溪復歷富春峴雙臺峙  
中江一竿垂日晚空波澄浩渺春雲澹舒卷但乘逸興  
多詎覺古人遠

南湖醉歌呈姜給事埰及諸同座

湖南美景白日徂相呼共泛城南湖湖中酒客十四五  
縱飲不數高陽徒吳門諸宋最年少劇狂謔浪任與俞  
金陵余懷擅詞曲陸生君賜播絲竹轉憶當時度曲人



豪邁尚氣與俗牴牾好談兵事論兵法性下急歡  
則頭攢耳摩怒則面赤發叱然好交遊不忘故舊  
其讀書論文最嗜班馬與鍾譚詩不喜閱文選尤  
痛詆李于鱗集後依人入閩刻閩遊草以索金買  
田居有五柳遂以名邨冉冉將七十耕硯為娛老  
計時畫墨竹人多寶之評者謂其詩崢泓蒼健善  
為悽惋之詞

浦城客署題流觴曲水圖

誰將曲水圖挂向丹山驛約略文衡山氣韻儘超軼潺  
湲如有聲懸溜注溪澗疎松籠厓長修竹叢巖密昨過  
漁梁山髣髴圖可憶碧雲互紛糾溟濛渺難測飲者多  
達人千觴浮澗出酒壚置修坡琴書遶其側或飲或坐  
起俯仰兼語默隱隱蘭亭裏研墨寫詩帙自有丘壑風  
飄飄露狂色不知傳舍中何事留此筆似告宦遊人勞  
勞未如逸晉人豈嗜酒此意醒者得

憂歡石

夏公會駐節勝迹在河干此地安溝洫當年怨暑寒溪  
痕移上下心事別憂歡舊石留官守沉吟仔細看

附考永樂二年吳淞大水夏忠靖公立石嘉善福源  
宮前測水消長鄉人言公自寓先憂後樂之意故名  
石長七尺有奇蓋樹  
石測水亦宋舊制也

### 漁梁道中

山勢迂回梯磴勞漁梁寂寂瀉秋濤蒼藤古壁飄猿影  
寒日空山落雁毛自有清音來石磴誰將茅屋結束臯  
寄言峽裏山翁道我亦從來本慕陶

題血子樹

小引

曉上五顯嶺小憩佛庵仰見奇樹修枝偉幹高十丈許葉歲穠有光翦翦如勾剔畫紅實疎布比朱櫻差小而色殷如血僧人謂此血子樹不華而實味絕甘山中無二予絕愛之賦此誌異

靈山少凡木指顧一停車應入流沙誌希傳種樹書孤撐隨壁迴百尺入雲疎積翠披堪畫流甘釀可茹連珠垂結晚紅露著條初龍眼圓嫌大朱櫻色不如珍奇無

石家有綠珠樓頭報主捐其軀喬家有碧玉井底投骸  
主不辱兩媛千古名字香誰云婢妾無肝腸嚴姬嚴姬  
松栢姿霜凌雪虐赤手支翁亡旋侍白頭媼晨炊宵績  
容顏槁翁媼兩喪相繼遭買山負土雙墳高無須塋面  
并截耳願得從容就一死一死了却婢子心寸心不易  
千黃金君不見鬚眉中有妾婦身錦衣玉食隨後塵暮  
楚寵兮朝秦臣嗚呼暮楚寵兮朝秦臣安得遺臭之骨  
留芳芬

鷓鴣行

霖雨既過邛溪渾溪渾且深魚蝦屯老漁不用網  
苦施持竿拍拍驅鷓鴣漁驅鷓鴣驅魚大魚小魚觸  
額趨浪捲波翻省血戰俄頃獻俘來水面嗚呼魚乎  
誠何辜脫網又遭茲剪屠鷓鴣盍不餬爾口飼爾雛  
迺為老漁之韓盧吾將膾鷓鴣于刀魚鷓鴣于釜雜  
魚鮮以為脯夫安知魚鮮之美堪上筵鷓鴣肌肉腥臊

難置俎

徐之陵

之陵字子京嘉善人遠子

雨雪曲

大漠雪霏微同雲凍不飛  
玉城翻落月珠樹帶斜暉  
古戍烽烟斷平原獵騎歸  
最憐翠袖薄猶是寄寒衣

送康小范上若兩世執歸江右

霜滿高城夜漏稀那堪臨水送將歸  
天涯短褐逢初霽江上孤帆帶落暉  
路近匡廬秋欲暮舟迴彭蠡雁同飛

放歌且盡樽中酒  
明發西風振客衣

張辰

辰字北是嘉善人與兄鶴書齊名邑中有二張之目

贈亭彥

椅梧蔭百尺  
翺鳳鳴高枝  
下有綠蘿草  
攀援同兔絲  
結交常相因  
金石貴不移  
顧我蓬室士  
同心賁光儀  
相與崇明德  
皓首良可期  
深情發壯采  
嘉會及芳時  
願附雲